

Vorprénnen in Martzo

Bruciare il Marzo: ora ne viene bruciato uno in Loc. Croce, rigorosamente costituito da legna, rami di abete opportunamente accatastati a forma di cono, sotto la sorveglianza dei V.V.F. volontari di Luserna, di solito il sabato a ridosso della fine di febbraio. Ma tanti anni fa non era così ...

Vorprénnen in martzo rüäft hërtä zuar vil läut. Dar martzo khint vorprénnt in lest tage von hornung, ma az nèt auzvallt in an sàntzta vorprénnen in nemparste vairta boda khint zoa azta mang zuarschaung mearar läut. 'Z khinta genützt ploazez holtz, pezzar az iz vaächt, un allz bazta zuargeat khint kontrolärt von pompiarn vo Lusérn, di pompiarn schaung drau vorda khint ägezüntet 'z vaür fin azta iz allz darlescht un sichar. Inar böttä iz nèt gest asò. In lant soinda gest meararne martzo, ka dar Tetsch, au atz Eck, atti Ris, un ändre o furse. I gedéñk gerécht in sèll vodar Tetsch ombrómm, vor ettlane djar, hànne getänt i o. Dar martzo iz khent zuargelekk hërtä züntrest in bisan untar moi haus boda auzgeat 'z pöndle. Puam, diarnen un khindar, alle hám zuargetrakk eppaz, ma hatt ägeheft vrüa zo boróata, vor in snea, un az hettat gesnibet palle di männen hettat auzgehelt Pittn groazan slit von djochan, zuarzopreng araisun est. Ma in hauf izta nèt drinngänt lai holt von elbar. Pittn kardjöln saitma gänt in di bérkstatt von Kastelé zo nemma di lungen un vantzárare schaitla, dar faff don Santo un dar Aldo Slántzi hámaz zuar gehaltet di gumme von auto un von tratór, biar tetschnar hám gemocht



Foto Archivio Motze

tüan bahémme zo giana zuarzolesase zoa azzase nèt nemmen pellar di lusérnar. 'Z vaür Pittn rodln hatt durärt sovl mearar un hintar soinda gestänt lai di dret boda in di tang darnå hattma getrakk in di Staun vodar Kirch. Vor di khindar, un alóra saibar gest in vil, boróatn in

martzo un zuarschaung 'z vaür iz gest a groaza kontentéza. Vor vil djar dar martzo iz nèt khent gemacht, di foto iz von 26 von hornung 1983 balma hatt bidar ägeheft zo vorprénnanen.

b. n. motze.

Vuks un tasso, di naüng lusérnar

Sempre più spesso accade di vedere nei pressi dei centri abitati animali selvatici che vagano in cerca di qualche avanzo o che cercano nei bidoni delle immondizie qualcosa da mangiare, ciò non aiuta né il decoro pubblico né gli animali che perdonano così la paura dell'uomo.

An abas auz pa herbest, intorno di achte, pinne gest atz vestar un hán gesek in vuks, da námp in haus, námp in bege, i hán lai khött: "schauge 'z izta a vuks da in di bis" un moi mānn, boda iz gest inn in di khuchl, hattmar lai rispündart "ma boasto ke 'z izta ummandar da attn bege o?".

Zboa vuks, uminùm in haus, lai dopo di ur vodar tschoi, 'z iz bol eppaz. Ma aromai iz squàse normale vor alle di lusérnar umbrómm 'z iz a baila boda soin zboa vuks, odar furse mearare o, boda gian ummar pa lant appena azta di sunn geat oine, sa èzzan di vantzarött von

khatzan un von hunt un azza hummarn no giansa kan bidù vodar Ris. Sèmm izta hërtä a gántzar gazèr mórgas, sa ziang auz alln in müll zoa zo venna apparéppaz zo khosta odar zo spila un trangz ummar nà in tritt von Sambinélo odar nidar atti Prach. Apparùmmaz in lant khütt ke sa hám vortgetrakk meararne hennen o. Sichar z'segase asó námp soinsa bol schümma ma bar mochanaz gedéñkan ke 'z soinz vichar boda mochan lem inn in balt, åna zèzza di sachandar von lant, un bar mochan haltn a mint ke sa mochanse vörtn von laüt, ånska azta di katza von vuks iz proibit.

An ändarz vich boda geat ummar pa gert in dise månat iz dar tasso. 'Z gevällnen di öpfln, di pirn odar di lestrn schöpf radikkng boda soin no in di ekhar námp in häüsar, dar iz groaz un bia pitt länge ummannegln bodar nützt zo graba o. Dar iz nèt zricht ma sichar iz pezzar nèt machanen darzürnen. Bar mang lai khön alóra ke 'z lant vo Lusérn iz nèt ler, in dise toatn månat, boda niamat geat auz pa tür dopo tschoi, pensärnda di vichar zo vüllaz pa dar nacht!

Giada von Galèn

Articolo nella variante cimbra delle Valli del Leno

Di spusa un dar pesom

Lo sapevate che la sposa, il giorno del matrimonio, trova una scopa sulla soglia della porta di casa? Si tratta di una antica tradizione cimbra, documentata sia a Lusérn, sia in Prànttal (Vallarsa).

Dise djar ista gebest in Prànttal disa alta gebonata tradizióng, lente no vor hundartvüchtzehk djardar: benn di djung spusan hoazat vairn, darnå di miss in di khirch, gian se zo vormazan ka haus vo spusa. Benn alle éssan, di muatar vo spus geat zo haus vo spos to putzan, bischan, abemachan un saübarn. Benn se hat geendart, alóra se nidarlegt a pesom aff di schwelle vo di tür von haus un paitet námp di tür, finamài khinta all di laüt vo hoazatfest. Benna all di laüt vo hoazatfest khinta zo haus vo spos, alóra dar pruadar vo di spusa odar an vraünt nimmt di spusa affna sait un dar spos nimmt di hánt von an baibe nidarnå un vüärt se zo dar muatar un vorsat di muatar, be disa is soi spusa. Di muatar khöt nò. Dar spos vüärt unmana dena åndadara baibe zo di muatar un vorsat, be disa is soi spusa. Di muatar khöt hërtä nò. An lestrn dar spos khinta pittar spusa, vorsat di muatar, be disa is soi spusa, un di muatar khöt ja! Alora di spusa, benn se geat inn inz haus, muchat hevan dar pesom un muchat diesan hërtä haltn, finamài di muatar nimmt dar pesom un lengt disan affna sait. An lestrn di muatar vüärt di spusan in di slafkhämmer un singt se. Atz Lusérn, bia Josef Bacher, faff vo 1893 fin 1899, schraibit, ista gebest a söttä tradizióng: Benn di spusan khemmen zo haus vo spos, di spusa muchat gian inn inz haus azpe earste. Aff di schwelle vennt se an pesom un muchat disan hevan un postärn affna sait.

Prof. DDr. Hugo-Daniel Stoffella vulgo Menlo

Vor zen djar di zimbarn in di províntz vo Tria soin gest 1072, biavl bartnsa soin haüt zo tage?

Zelung von mindarhaitn vodar províntz vo Tria

Ancora poche settimane per dichiarare la propria appartenenza ad una delle tre minoranze linguistiche della provincia di Trento; chi non lo avesse fatto e avesse difficoltà può rivolgersi al proprio Comune.

Aln 10 djar di Províntz vo Tria lekk au a zelung auzoroata biavl sa soin un bo sa lem di laüt bodase höarn zimbar, bërsntölar odar ladinar un z'sega o bida dise laüt vorstian, khânen ren, schraim un lesan in di mindarhaitn-zungen vodar províntz. 'Z iz gántz bichec tüanz umbrómm daz schümma vodar bëlt iz ke 'z soinda an hauf fölk

boda, pitt soinat zung un kultür, hám tiave burtzan un soin augebakst attna earde bodase hatt gemacht khemmen daz sèll bosa soin haüt; bi traure 'z berat a bëlt bobar soin alle geläch. Bizzan genàu biavl laüt 'z gehöranda in zungmindarhaitn helft o dar Províntz un in Kulturinstitut vürzotraga di pestn prodjékhte zo

schoana pezzar zung un kultür. Bizzan o bo sa soin ummargeströbet helftzo zo maga arbatn nèt lai vor di laüt boda lem in di lentar darkhennt alz zungmindarhaitn ma vor alln di sèlln laüt boda hám gemocht lazzan soi lant un bodase vennen tortimitt laüt boda nèt ren soi zung.
Zo nemma toal anìaglana famildja

vodar províntz vo Tria hatt gevånk an brif pitt geschrifet bia innzomeldase atti websait bo ma mocht auzvülln an formulär vor anìaglaz mentsch boda hatt gilebet in haus atz 3 von bimmat 2021. Di zelung hatt ägiheft atz 4 von bimmat un **bart rivan atz 20 von kristmånat**; di laüt boda nèt soin guat zo tüanaz sèlbart mang årüavan

odar gian in Kamòu zo nemma in gistemplate formulär.

Von earst von kristmånat vort, in di lentar bo da lem zimbar, bërsntölar odar ladinar, di laüt boda nonet hám auzgëvüllt in formulär bartn khemmen ägeräuft vo laüt boda aulesan dise date.

E.v.K.

Istituto Cimbro
Kulturinstitut Lusérn
Tel. 0464-78.96.45
info@kil.lusern.it
www.istitutocimbro.it




15.30 sàntza 18 von kristmånat
Lusérnar Boinichtn
18 dicembre sala Josef Bacher Lusérn

premiazione concorso
Tönle Bintarn 2021



presentazione nuovi
cartoni animati in cimbra
Albert der Bolf



presentazione delle 5 nuove
pubblicazioni a cura del
Kulturinstitut Lusérn, di:

Katia Lenzi
Ermeneigildo Bidese
Fiorenzo Nicolussi Castellan

2022



del volume fotografico di
Walter Nicolussi Zatta

e del calendario 2022
con fotografie di
Stefano Fabris

consegna degli attestati di conoscenza
della lingua propria della popolazione cimbra 2021

Zoa zo nemma toal anìaglaz mentsch mochtze innmelnd
atti websait www.istitutocimbro.it

Per partecipare al "Lusérnar Boinichtn 2021" è necessario iscriversi su sito
www.istitutocimbro.it (compilare una scheda per ciascun partecipante).

Certificazione Super Green Pass e mascherina obbligatorie.
Le presenze in sala saranno limitate e condizionate dalle
indicazioni in vigore per il contenimento della pandemia in corso.

A guatar snea hatt gëtt in start dar bintar-stadjóng!

Se il buongiorno si vede dal mattino, la copiosa nevicata dei giorni scorsi ha sicuramente garantito un'ottima partenza per la stagione invernale sulla Ski Area Alpe Cimbra. A Lusérn 40 cm di neve fresca, hanno dato il via alla nuova stagione invernale.

"Az iz schümma bëttar in herbestmå, haltezt vor simm åndre me" asó khüttä an altar spruch vo Lusérn boda iz gekhennt in ploaz åndre lentar von Trentino o. Di altn hám hërtä ägeschauget in mà un hám gegloabet ke dar hettaten getrakk guat odar letz. Dar herbestmå berat dar zboleat vol-må von herbestmånat, boda atz belesch hoazt "luna settembrina". Haäratz Lusérn in herbestmå iz gest schümma bëttar un asó zelante alle di me, billz muanen ke fin ka längez 'z bëttar bart haltn.

A schäulaz sachan vor di lentar von përng, azpe daz ünsar, ma, glühk, 'z spruch hatt nèt gehaltet sovl segante di 40 skei snea boda soin abekhent atz Lusérn un boda hám gevèrbet baiz da zimbar earde.

Di khindar hám sa ägeheft auzomacha di snea-trutn z'spila. Jozzo, bi schümma! Pensàrante atti

birthäusar, sichar allar disar snea hattent gehelft, überhaupt in sèllnen boda arbatn námp in piste. Di kanü von snea est mang schiazan åna vort umbrómm dar snea izta sa un haltezt asó gevòrt di earde. Est paitpar in turistn boda, azpe alle djar, bartn khemmen hërtä mearar in ünsar khlummaz, baizez, lant. Pittn zboa piste vo geräita, di Virgo Maria/Lait (Rivetta), di Tablat-Monte Kuko un di Virgo Maria/Vesan, Lusérn o voalt in turistn di emotzióng zo raita Pittn maistre vodar Ski Area Alpe Cimbra.

Alle dise piste hám soi birthaus boda gitt in raitar eppaz barm zo darbèrmase auz von vrost von bintar un zo pasàra an schümman tage alle pitnåndar. LUSÉRN PAITETAZ ALLE / LUSERNA VI ASPETTA!

Dar Nachtvogl